

Broj: 01-III-301/15


Broj: 01-09-433/16

Na sastanku predstavnika Saveza samostalnih sindikata Bosne i Hercegovine i Socijaldemokratske partije BiH, održanom 28. jula 2015. godine u Sarajevu, Savez samostalnih sindikata BiH kojeg zastupa Ismet Bajramović, predsjednik i Socijaldemokratska partija BiH, koju zastupa Nermin Nikšić, usaglasili su sljedeću


ZAJEDNIČKU IZJAVU

1. Strane potpisnice osuđuju Odluku Vlade FBiH o utvrđivanju Prijedloga zakona o radu koji nije usaglašen sa Savezom samostalnih sindikata BiH.
2. U duhu obostranog uvažavanja, vođeni zajedničkim interesom izgradnje i unaprijeđenja ukupnih ekonomskih, društvenih i socijalnih prilika u Federaciji Bosne i Hercegovine, strane potpisnice su saglasne da se u procesu reforme radnog zakonodavstva moraju uvažavati stavovi i interesi radnika koje zastupa Savez samostalnih sindikata BiH.
S tim u vezi, zastupnici političke partije Socijaldemokratske partije BiH u oba doma Parlamenta FBiH tražice da se sporni Prijedlog zakona o radu vrati Vladi FBiH na dalje usaglašavanje sa socijalnim partnerima, poštujući principe definisane ovom izjavom.
3. Strane potpisnice ove izjave ističu nužnost vođenja kontinuiranog i produktivnog socijalnog dijaloga, što je osnovni preduslov za izgradnju demokratskog društva zasnovanog na socijalnoj pravdi i jedini put za postizanje neophodnih kompromisa između socijalnih partnera, uvažavajući Konvencije i Preporuke MOR-a, Međunarodni pakt o ekonomskom, socijalnim i kulturnim pravima, kao i Evropsku socijalnu povelju.
4. Imajući u vidu navedeno, strane potpisnice su saglasne da je reforma radnog zakonodavstva u Federaciji Bosne i Hercegovine vrlo ozbiljan, socijalno osjetljiv i složen proces i da se ne može provoditi parcijalno. Donošenje novog zakona o radu može biti samo dio cjelovite reforme radnog i socijalnog zakonodavstva, koja mora biti provedena na društveno i socijalno odgovoran način.
5. U smislu tačke 4. ove izjave, prije donošenja novog zakona o radu, potrebno je donijeti sljedeće zakone, uz prethodno usaglašavanje sa socijalnim partnerima:
 - Zakon o izmjenama i dopunama Zakona o posredovanju pri zapošljavanju i socijalnoj sigurnosti nezaposlenih osoba FBiH (Sl. novine FBiH broj 41/01, 22/05), kojim će biti značajno povećan iznos naknade za vrijeme nezaposlenosti, kao i dužina trajanja ovog prava. Istovremeno, nužno je obezbijediti dostatne izvore finansiranja ovih prava, ali i osigurati da ista prava po tom zakonu imaju sve nezaposlene osobe, odnosno osobe koje izgube posao na teritoriji čitave Federacije BiH, što sada nije slučaj.

- Zakon o uvezivanju radnog staža za sve radnike kojima poslodavac nije uplaćivao doprinose za penzijsko-invalidsko osiguranje, po uzoru na slično zakonsko rješenje u Srbiji (Sl. glasnik RS broj 85/2005).
 - Zakon o izmjenama Zakona o štrajku FBiH (Sl. novine FBiH broj 14/00), posebno člana 5. i 6. ovog Zakona, za šta će prijedlog izmjena i dopuna pripremiti sindikat. Važeće zakonsko rješenje je konfuzno, kontradiktorno i onemogućava realizaciju ustavnog prava radnika na štrajk.
 - Zakon o sigurnosti i zdravlju na radu FBiH.
 - Zakon o izmjenama i dopunama Zakona o stečajnom postupku FBiH (Sl. novine FBiH broj 29/03, 33/04, 47/06), na način da se u viši isplatni red uvrste sva potraživanja radnika iz radnog odnosa, te da ona budu prioritet pri namirenju.
6. Ova izjava stupa na snagu danom potpisa od strane učesnika.



✓ Nermin Nikšić, SDP BiH



Ismet Bajramović, SSSBiH

Sarajevo, 28.07.2015. godine